



RAZVOJNA BANKA FEDERACIJE BOSNE I HERCEGOVINE

Na osnovu Odluke Vlade F BiH o upravljanju revolving fondovima po Projektima «Lokalna inicijativa» i «Lokalni razvoj» (Službene novine Federacije BiH, broj: 78/06 i 34/07), Odluke o uslovima i kriterijima za kreditiranje krajnjih korisnika revolving fonda za "Lokalni razvoj" (Službene novine Federacije BiH, broj: 86/08) i Operativnog uputstva za kreditiranje iz revolving sredstava fonda za "Lokalni razvoj", Vlada Federacije Bosne i Hercegovine i Razvojna banka Federacije Bosne i Hercegovine objavljuju:

N A T J E Č A J **za finansiranje projekta iz kreditne linije "Lokalni razvoj"**

Ciljevi finansiranja

I

Vlada Federacije Bosne i Hercegovine ima za cilj preko Razvojne banke Federacije Bosne i Hercegovine plasirati kreditna sredstva prikupljena u okviru projekta "Lokalni razvoj" radi:

- pružanja podrške lokalnim zajednicama za finansiranje projekata koji doprinose poboljšanju infrastrukture i pružanja usluga,
- stimuliranja ekonomskog razvoja na lokalnom nivou.

Namjena kredita

II

Sredstva revolving fonda su namjenjena za kreditiranje sljedećih projekata:

- izgradnja/rekonstrukcija vodovodne mreže i tretman otpadnih voda,
- izgradnja/rekonstrukcija puteva,
- upravljanje čvrstim otpadom,
- poboljšanje energetske efikasnosti i slično, u školama, bolnicama i ostalim općinskim ustanovama,
- ulična rasvjeta,
- izgradnja/rekonstrukcija sportskih dvorana,
- izgradnja/rekonstrukcija tržnica u općinskom/gradskom vlasništvu i sl.

Sredstva revolving fonda se neće koristiti za finansiranje:

- carina, poreza i drugih dažbina,
- konsultantskih usluga (uključujući izradu projektne dokumentacije, nadzor nad izvođenjem radova i sl.),
- rekonstrukciju općinskih zgrada ili šalter sala i slično.

Iznos kreditne linije

III

Raspoloživi iznos revolving kreditne linije po projektu "Lokalni razvoj" je

4.500.000,00 KM



Korisnici kredita

IV

Sredstva revolving fonda koristit će se za kreditiranje:

- kreditno sposobne općine/gradovi u smislu ograničenja iz člana 7. Zakona o dugu, zaduživanju i garancijama u Federaciji Bosne i Hercegovine (Službene novine F BiH broj 86/07), za koje Federalno ministarstvo finansija/financija potvrdi da uredno izvršavaju ugovorom preuzete obaveze po prethodnim projektima i nemaju neregulirane odnose po drugim projektima,
- komunalna preduzeća ili druga pravna lica čiji je osnivač općina/grad za koja Federalno ministarstvo finansija/financija potvrdi da uredno izvršavaju ugovorom preuzete obaveze po prethodnim projektima.

Prihvatljivost projekta

V

Prihvatljivim projektima smatraju se:

- Projekti čija je namjena u skladu sa tačkom II ovog Obavještenja,
- Projekti za koje je općinsko/gradsko vijeće odobrilo kreditno zaduženje općine/grada/komunalnog preduzeća ili drugog pravnog lica – čiji je osnivač općina/grad,
- Projekti koji unaprijeđuju općinsku infrastrukturu ili usluge koje općina i /ili općinsko komunalno preduzeće pruža građanima,
- Projekti čija finansijska projekcija pokazuje da će projekat imati uvećane prihode ili smanjene troškove odnosno imati pozitivan finansijski efekat. U slučaju da projekat nema pozitivnu finansijsku stopu prinosa, potrebno je pružiti jasno ekonomsko opravdanje za investiranje,
- Projekti sa jasnim i kompletnim finansijskim planom, uključujući dokaze da je bilo koje sufinansiranje koje je predloženo ujedno i obezbjeđeno, ili će biti blagovremeno obezbjeđeno.

Prihvatljivim projektima smatraće se oni projekti koji ispunjavaju sve naprijed navedene uvjete.

Uslovi kreditne linije

VI

Kreditna sredstva se odobravaju pod sljedećim uslovima:

- Minimalni iznos kredita: 50.000,00 KM
- Maksimalni iznos kredita: 1.000.000,00 KM
- Grace period: do 6 mjeseci
- Kamatna stopa: fiksna, 4% na godišnjem nivou
- Jednokratna naknada za obradu zahtjeva: 0,5% od iznosa kredita
- Rok otplate: do 7 godina
- Minimalno vlastito učešće u realizaciji projekta*: 10%
- Instrumenti osiguranja plaćanja: mjenice i безусловne garancije

* Korisnik je dužan osigurati finansiranje iz vlastitih sredstava u visini od 10% ukupne vrijednosti projekta. Pored učešća u finansiranju građevinskih radova i nabavci opreme u sklopu projekta prihvatljivo je i učešće u vidu plaćenih konsultantskih usluga (projektovanje, nadzor i sl.)

Potrebna dokumentacija

VII

Uz zahtjev za odobrenje kredita potrebno je dostaviti sljedeću dokumentaciju:

- potvrdu Federalnog ministarstva finansija/financija da korisnik uredno izvršava zakonom ili ugovorom utvrđene obaveze prema Federalnom ministarstvu finansija/financija,
- investicioni program, koji sadrži tehničko-tehnološku i ekonomsko-finansijsku komponentu i analizu tržišta na kojem tražilac kredita djeluje ili planira da djeluje,
- poslovni plan sa pripadajućim tabelama – potpisan i ovjeren od strane podnosioca zahtjeva i osobe koja ga je pripremila (obrasce propisuje Banka),
- Odluka općinskog/gradskog vijeća o zaduženju na traženi iznos kredita po projektu koji je predmet finansiranja,
- u slučaju zaduženja općina/gradova: ovjereni finansijski izvještaji (izvještaj o izvršenju budžeta za prethodnu i tekuću godinu, plan budžeta za narednu godinu, bilans stanja i izvještaj o prihodima i rashodima sa 31. decembrom prethodne godine),
- u slučaju komunalnih preduzeća ili drugih pravnih lica čiji je osnivač općina/grad ovjereni finansijski izvještaji za najmanje tri uzastopna obračunska perioda kao i preliminarni izvještaj za prethodni mjesec ne stariji od 15 dana od dana kada se zahtjev dostavi Banci,
- izvještaj nezavisnog revizora o poslovanju za prethodnu godinu, u slučajevima gdje je to propisano zakonom,
- kompletna registracija i osnivački dokumenti,
- uvjerenje o poreskoj registraciji i PDV registraciji,
- obavještenje o razvrstavanju pravnog lica prema djelatnosti,
- obezbjeđenje kvalitetnog kolaterala: mjenice i безусловne garancije izdate od nadležnih organa kantona, grada ili općine,
- elaborat projekta predviđenog za finansiranje iz kredita, sve neophodne dozvole, tehnička projektna dokumentacija, a u slučaju da su već odabrani izvođači radova/dobavljači opreme za projekat, zbirni izvještaj o provedenim procedurama nabavke,
- postojeći ugovori o kreditima i/ili leasing aranžmanima,
- ostali dokumenti za koje se ocijeni da mogu biti od značaja za ocjenu kreditnog zahtjeva.

Procedure obrade i odobravanja kreditnih zahtjeva

VIII

Banka obrađuje kreditni zahtjev primjenjujući uobičajenu praksu i procedure. Prilikom obrade kreditnih zahtjeva procjenjuju se i vrijednuju:

- podobnost projekta i tražioca kredita u smislu tačke IV. i V. Odluke o uslovima i kriterijima za kreditiranje krajnjih korisnika revolving fonda za "Lokalni razvoj" (Službene novine Federacije BiH, broj: 86/08),
- kreditna sposobnost tražioca kredita,
- nivo kreditnog rizika koji sa sobom takav kredit nosi,
- realnost i kvalitet prezentiranog investicionog programa i/ili poslovnog plana.



Na prijedlog Banke, Komisija Vlade Federacije BiH za revolving sredstva, daje saglasnost za izbor krajnjih korisnika kredita. Rok za dostavu saglasnosti je 30 dana od prijema prijedloga. Nakon dobivene saglasnosti od strane Komisije, Banka, u roku od 10 dana, obavještava podnosioca zahtjeva da su kreditna sredstva odobrena.

Podnosilac zahtjeva je, nakon prijema obavještenja o odobravanju sredstava, dužan dostaviti Banci sljedeću dokumentaciju:

- karton deponovanih potpisa lica ovlaštenih za zastupanje i potpisivanje, sa ovjerenim kopijama ličnih karata lica ovlaštenih za potpisivanje i zastupanje,
- u slučaju da je podnosilac zahtjeva komunalno preduzeće ili drugo pravno lice za čije obaveze garantuje osnivač općina/grad, prilaže se Odluka općinskog/gradskog vijeća o davanju saglasnosti na izdavanje garancije,
- mjenice i безусловne garancije izdate od nadležnih organa kantona, grada ili općine.

IX

Zavisno od dinamike punjenja računa po plasiranim sredstvima iz ovog projekta, vršiće se daljnji plasmani u visini raspoloživih sredstava.

X

Natječaj ostaje otvoren 30 dana po objavljivanju u Službenim novinama Federacije Bosne i Hercegovine.

Dostavljanje dokumentacije i informacije

XI

Dokumentacija se može dostavljati na adresu:

RAZVOJNA BANKA FEDERACIJE BOSNE I HERCEGOVINE
ul. Igmanska br.1
Sarajevo

Sve potrebne informacije u vezi sa ovim natječajem mogu se dobiti u Sektoru za analizu i ocjenu projekata (telefon 033/ 277 900).